

# ALL NATIONS GOSPEL PUBLISHERS



[www.anjp-hb.co.za](http://www.anjp-hb.co.za)



[info@anjp.co.za](mailto:info@anjp.co.za)

# **OMWOYO GWA MUNTU**

**ABBA**

## **ENDABIRWAMU EYA MWOYO**

(Olugero omu bifananayi ikumi ebirulaga)

Akatabo kanu kazwereire mu Bufalansa omu mwaka gwa 1732, bairiremu okukalangasira n'okukawandilika buyaka, nge omwawule J. R. Gschwend, akawandiikira bifo omuli abalaabbi b'enjiri abazwire enza okwiza omu Africa, omu mwaka gwa 1929, era nete baabire nge bakagalukya omu ntumu egindi nibakakubba omu kyaapa nge kifugiwa eigambi erikwata oku kuwulukya ebitabo, omu ntumu egyptanu omu Africa egikiraku 250, n'ekibina ekibeeta ALL Nations Gospel Publishers, nibabugaba omu byaalø egibalaabbamu e Njiri atyanu ebyera 127. Akatabo kanu kali kubbeera abantu be ntumu gyona gyona, ab'embeera gyona gyona era n'aba maddiini gona gona okusuna obutuukye obwa bya mu mwoyo obwabiriri era n'amakulu ga bukwenda bwa Kibbumba eri abantu bona bona Onabbi Ezekeri obuyalabbire emyaka 586 nge Okristo akaali kwiza, "Nalibawa omwoyo omuyaaka era n'ebiseego ebiyaaka..... kaisi mubba bantu bange, zena nimba Kibbumba wanyu" Ezekeri 36:26-28.

### **COPYRIGHT**

**ISBN 0 - 947052 - 4 - 2**

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)

# **OMWOYO GWA MUNTU**

## **GWEZYA OKUBBA YEKAALU YA KIBBUMBA**

### **ABBA IKOLERO LYA SITANI**

**( IYokana 3 : 4-10 )**

Nge osoma akatabo kanu, kaamo okikuume omu biseego oti kali oti ndabirwamu egipayeza okweboneramu. Waire oli mukaafiri abba mukristayo abba ataikirira oKristo abba omwikirira eyagwire, webona nge oKibumba owakubona. "Omuntu alingirira nfanana y'enza, nee nze mbona omwoyo" (1Samwiri 16:7). OKibumba atubonera kimo nge owetuli.

Ositani niiye oiteye wa bubbeyi bwona bwona. Niiye omufugi ow-endikiiryia era okibumba w'ekyaalo kinu, eyefanania nge omalaika w'ekitangaala nalungamya abasaiza n'abakali omu nzira etali ntuukye. Omu biro binu, aliwo abanabbi ba bubblei bangi, era nge omu biseera ebyabitire abefanania, nge beesuukya okubba bakwenda ba Kuristo. Era tikywumisya, olwakubba ositani onanyere yegalukirye okubba omalaika w'ekitangaala. (2 Kolins 11:13-14). Ositani okibumba w'-ekyaalo kinu, akuumira abantu omu ndikiiryia kaisi nibatayezza okubona nge oKibumba abataka (2 Kolins 4:4). Abali n'ebibbibibi bona bona n'abo abataikiririra bafu omu mwoyo era bawofu oku bikwata oku Kibumba. Obubbububbi bwa mu kyaalo munu nibwo obubafuga (Efeso 2:1-2). Okutoolaku nge omu ngeri yona yona baigwirye amaiso gabwe okubona okugota okubalimu, balungaime mu kujjigirika kw'ebiro n'ebiro. Omuntu akoba ati, "timbangangaku" Yebbeya yenka onanyere. Olwakubba "Omwana wa Kibumba yabonekere lw'ensonga nanyere eenu, kujjigirika ebyo oSitani ebiyaali akolere" (1 Yokana 3:8). "Kale aale weweyo eri oKibumba. Owakanie onalwita, era yakwiruka. Oigerere eri oKibumba yena yaigerera egyoli (Yakobo 4:7-8).

Nge osoma akatabo kanu era nge olangasira ebifananyi byamu, wayeza okubona omwoyo ogugwo. Oikirirye ekitangaala kya Kibumba ekinoonia okukulaga embeera ya mwoyo gwo. Oikirirye ebibbibibi byo era tiwegaana nge owebiriwo, olwakubba Ekipono kya Kibumba Kitukobera kiti, "Owetukoba tuti tubula ebibbibibi, twebbeya swenka, era n'obutuukye buwula mu iswe." Nee owetubbutula ebibbibibi byaisu eri oKibumba, yalikuma okusubiza kwe nakola ekituukye: Yalitusonia ebibbibibi byaisu era natutukulya okuzwa omu kukola obutali butuukye (1 Yokana 1:1-10). Eisaye lya Yesu, omwana we, litunaabyaku kisi kibikibi.

Ofugiwa na Sitani abba na Kibbumba; ooli mwidu w'ekibbikibii abba muwererya wa Kibbumba? abba nge ekibbikibbi kifuga obwomi bwo, tiwaakana, nee okungirire oKibbumba, yakutibula nge abita omu Yesu Kuristo eyaizire omu kyaalo munu okulamya abali n'ebibbibibbi, okuvunianka amaani ga Sitani nag'ekibbikibbi ku iswe. Niiye oMulamya wa iswe. Ooli omu maiso ga Kibbumba omweru era amait ebyama, byona byona, ebiseego n'ebikole eby'embiso ebya mu bwomi bwo. Toyezya kwebisa naire kubisa ebikole byo oKibbumba, olwakubba "OKibbumba eyabbumbire amatwi gaiswe -tayezya okuwulira? yabbumbire amaiso gaiswe tayezya kubona?" (Zabuli 94:9).

OMusengwa alangasira kusa ekyalo kyona kyona, okuwa amaani eri aabo abali n'emyoyo egimwesiga (II Ebya mu mirembe 16:9).

"Alangasira kiisi kigere abantu ekibeema ebula ndikiirya eyezya okubisa aali n'ebibbibibbi eri oKibbumba" (Yobu 34:21-22).

Nee o Yesu tiyabeyayi remu olwakubba yabbaire abamaite abantu bona bona. (Yokana 2:24).

N'olwekyo" Besiimire aabo abebasoniire ebibbibibbi byabwe, abebasaa-siire eibbengo lyabwe. Yesiimire omuntu oMusengwa ogwatavunaana eibbengo era anambulaku bubbei bwona bwona." (Mattayo II:28-30).

## Okusonzola Ebifananyi

### EKIFANANYI EKYEKERERI

Ekifananyi kinu kiraga omwoyo gwa muntu owa mu kyaalo, omusaiza naabba omukali akola ebibbibibbi ogubeeta omu Baibuli bati ali n'ebibbibibbi, era, niiye afugiwa n'ekibbikibbi ky'ekyalo kinu era n'-okwegomba kwa bubyale n'okululunkana kwa buntu. Kinu kifananyi kituukye ekyo mwoyo nge oKibbumba owagubona. Amaiso amalooli, era amatukuliki gatumula ku buteemeere nge owekikoba omu Ngero 23:29-33; Ondage omuntu omunywi okajjuuli, agezyaku kiisi kyakunywa ekiyaka ekiwuluka, zena nakulaga omuntu abwoinebwoine era eyeye-bukya aleeta bigosi era asiiba yezuluguma. Amaiso ge gabba mapooki, eraaabba n'ebinuwulire ebya kyeyendere. Toikiriryanga omwenge nigukusendasenda, n'owegubba nge gutukulikire ino, n'owegubba nge gumirikiinya omu kikopo era nge gususuka kusa. Eizo nge bukyeire owulirang'oti mpiri wa busagua niye akulumire. Obona oti munuya njaye, era toyezya kuseega naire kutumula kusa."



**1. OMWOYO GWA MUNTU AALI N'EBIBBIBIBBI.**

Ansi wa mutwe omu kifananyi kinu, omwoyo gwa muntu guboneka nge gwizwire ebisolo ebitali bimo era kiraga ebibbibibbi eby'engeri enyingi ebiri omu mwoyo gwa muntu, nge omwoyo oweguli aakati era ekifo ekibyalisya ebibbibibbi bya iswe. OKibbumba atukobera n'omunwa gwa nabbi we oYeremiya, aati "Abula ayezya okumanya omwoyo gwa muntu. Aabula kintu ekigwagaagana obubbeyi; mulwaire inno gwabitireku n'okuwona." (Yeremiya 17:9)

OYesu onanyere akakatyat kinu nge akoba, "Olwakubba omuntooma, omu mwoyo gwa muntu, nimwo omuzwa ebiseego ebibbibibbi ebimulungamya okukola ebya maalinkoolo byona byona; okunyaga, okuyenda, obuluvu, era n'okukola ebintu ebibbibibbi eby'engeri yona yona; okubbeya, ebyamuziro, okuwairiza, okwekudumbalya Obusiru - ebintu binu ebibbibibbi byona byona bizwa muntooma omu muntu era bimusuukya mubbimubbi (Mako 7:21-23).

**1. OKULUKULU** - Naakabbaire nge okufanana okusa okwa kulukulu bakwegomba, aanu omu mwoyo gwa muntu, alaga kibbikibbi kya kwemanya. OLusifa, lomo eyaali omalaika wa Kibbumba ow'enjawulo eino ow'ekitangaala, yazwire omu kifo kye olwa kwemanya era olwa kwemanya nasuuka onalwita wa Kibbumba - oSitani (Isaya 14:9-17; Ezekeli 28:12-17).

Amalala (okwemanya) gazwera kimo aakati owa geyena, era gabonekera omu ngeri nyngi. Abantu abandi bekudumbalya olwa bugaiga bwabwe, olwa bwegeesyew bw'angulu, olw'engoye gya mulembre egyptemula emibiri aanambulaku nsoni, n'okuzwala emiyoga, ebikomo, empeta, n'ebindi, nge owekikoba omu Isaya 3:16-24. Abandi bekudumbalya lwa bazeiza babwe, ebyaalo byabwe, bya buwangwa, mizenyo, n'ebindi, nibeberera bati "Okibbumba awakania ab'amalala, nee agonsya abateeki" (1 Petero 5:5). OKibbumba akyawa amalala n'okwebitirirywa (Ngero 8:13). "Amalala galungamya mu kujigirika, eera okwebitirirywa mu kugwa" (Ngero 16:18).

**2. OMBWA.** Alaga kwegomba kwa mubiri, obudankani n'obulendi. Ebibbibibbi binu ebibabbutwireku aanu byeyongeire inno omu biro binu ebya mulembre neege by'enkomo, nibituuka okukigera aatuli, era nitwikirirywa n'okwikirirywa obutuukye bw'ebibono bya Yesu obweyalag-wire, kumpi emyaka 2,000 egibitirewo, aati ebiro by'enkomo byalibba ooti biro bya Sodoma ne Gomola. Engeri eenu eyokwebitya okubbukubi tekoma kukalangula basaiza n'abakali, eingira omubidaala bya bantu abanadiini n'ebifo eby'ediini, amasomero, n'abantu aabagona, nee

obudankaani bunu aanambula nsoni eera n'omungeri ey'ekirabuki bungira omu myoyo nya bantu nge bukolesya ebifo by'eseneema, omu bisawe bya mupira, omu buandiike obwa muliko, n'omungeri egindi nyangi inno, eera oKibbumba ekyayeta ekibbikibbi bakibona oti mbera enyomi nge ya mulembe. Obukaire n'obukaire bwa banyete n'abaala, batoola ekiseego kya bwomi obukira obusa mu seneema n'amubitabo bya bifumo, nibeyagya omu bigosi, okuswala n'okweyebukya. Abasaiza n'abakali abakaire abadankaani era abalendi basuuka bakukoopaku eri abanyeete. Amakumbaniro ga mabina, gona, bifo ebibyalisa obudankaani. OKibbumba takukoba kuzenesya obudankaani nee okubuzwaku. "Ekibbikibbi ekindi kyona kyona omuntu ekyakola tikikwata oku mubiri gwe. Tomaite ooti omubiri gwo niye eyekaalu ya mwoyo oMweru, atyama mwinyewe eera oKibbumba oguyabawaire? Timuliwo ku lwanywe nee muli ba Kibbumba" (1 Kolins 6:18-19); "Omuntu yena yena obwajagaajja eera najjigirikya eyakaalu ya Kibbumba, oKibbumba yalimujjigirikya. Olwakubba eyakaalu ya Kibbumba njeru, eera ninywe eyekaalu ye" (1 Kolins 3:17).

**3. OMBIZI** alaga bibbibibbi bya buteemeere n'obuluvu. Kisolo musire eera mukyafu aalanira okumira kisi ekiponekere omu maiso, ekiyonjo naabba ekifuuduki, eera omu ngeri eyo omwoyo ogwizwire ekibbikibbi gwalaanira kiisi kya budankaani, ekiseego, ekikole, ekifananyi, obuandiike, n'ebindi omubiri ogubakolere okubba yekaalu ya Kibbumba omwomi bagifuduukya n'okulya okwa kabbikabbi eera n'emize emifuduuki nge okunyu enjjaye, obulendi, n'obulezi abafumu obubawa n'ebindi ebyakkabikabbi. Omuze ogwo ogwa kunyuwa otaba n'enjjaye gukalangwire abasaiza n'abakali aamo nabanyeete okuti okukiraku egyebuzwiireku. Amaani ga Kibbumba gonka niigo ageezya okusindula abantu nge abo otaba n'enjjaye abebanyakagire eera abaidu ba Sitani. Nankabbaire nge abantu abanaddiini eino tibayezya okunywera otaba omu Kanisa ekibabonaa kumpi ooti kizumi eeri oKibbumba, nee titanya okufuduukya n'eisubi erifunya ekivundi eyakaalu enanyerenyeere eya Kibbumba, niigyo emibirgyabwe." Dala dala mumaita muti, oMutume oPaulo akoba aati, muli yekaalu ya Kibbumba eera muti omwoyo wa Kibbumba atyama mu inywe, kale omuntu yena yena obwajjigirikya eyakaalu ya Kibbumba oKibbumba yalimujjigirikya" (1 Kolins 3:16, 17 16:18-19).

Omuntu omuluvu aizula obunobi eera abulamu busa bwona bwona omu maiso ga Kibbumba. Tulya kaisi tubbe boomi: titubbawo kaisi tulye, Enzala oyezya okugiyolya nge oliire ekyakulya kusa nee obuluvu busigala ebisera byona byona nge bukunga, "Ompe, ompe."

Obuluvu tibwikuta, tibwalyaba kwizula. Omu Mateeka ag'eNdaagaano enkaire omuluvu n'omuteemere bamukubbanga mabbaale nafa (Ebya mu mirembe 21:18-21). Abateemeere n'abaluvu balisigala nge bataki. Aabba nge osiiba kulya n'okwegenera, oiza kuzwala ebitimbo wangu (Engero 28:7) oyebukirye ooti abbairewo omusaiza omusuni, omuluvu eera omwidu wa kwegomba kwe, yafiiре eera niyeyagaana mu geyena omu kuluga okubitiriri eino. Obubbubbi bwa bitemeerya tiburomera nakubbutula. Tubumaite kusa ino buwulaku mwenya. OKibbumba atukobera kusa omu kibono kye ati aabula mutemeere eyalibba omu bwakabaka bwe. Omwenge tikyakulya, kitemeerya ekigotesya eera nikkola oku biseego, kaisi abakinywa nibebitya ekisirusi. Basuuka badankaani eera nibaitangana, ekibandibbaire tibakolere obusabusa. "Okunyuwa kukuwa okubba wa buyoga, n'obusiru kyabusiru okutemeera (Engero 20:1).

Aabo abayisa n'abatunda ebitemeerya bona baliku eibbengo omumaiso ga Kibbumba, olwakubba oKibbumba akoba, "Mubwoinebwoine, abakulu b'ecupa yenguuli abagumu eera abataty kutabula ebitemeerya" (Isaaya 5:22) "OKibbumba yalikusingisya omusango owowa abaliranwa bo ebitemeerya nibanywa nibatemeera" (Kabakuku 2:15) Dala mumaita nge abali n'ebibbibbi tibalisika obwa kabaka bwa Kibbumba. Timwesukya abasiru; abantu abadankaani eera abasenga ebifananyi aabba abaibbi aabba abaluvu aabba ababbeyi aabba abatemeere aabba abanyaga aabula yena yena ku banu eyalisika obwa Kabaka bwa Kibbumba (1Kolinso 6:9-10).

Ebibbibbi bya buntu bwaisu tibigota. Binu nibyo ebimo kwebyo: Obudankaani, ebikole ebifuduuki n'ebymalikoolo, okusenga ebifananyi, neirogo. Abantu batuuka okubba n'endibo eera nibalwana; nibasuuka b'enge, ab'ekiruyi eera ab'eidumi begabulagabulamu omu bibiina, n'omu bbbula; babba b'enge, batemeera eera bakola ebintu ebindi ebiri nge binu. Abo abakola ebintu binu tibalisika obwa kabaka bwa Kibbumba. (Bagalatiya 5:19-21). Timwatemeeranga omwenge, ogwaboonaa bwonooni nee mwizulenge oMwoyo (Baefeso 5:18).

OYesu ati bwayeta kiisi abulira enyonta ya bintu bya mwoyo" Yena yena abulira enyonta aize egindi eera anywe (Yokana 7:37-38). Oize wena wena abulira enyota amaizi gaanu; Oize iwe ogule anambula empiya ogule oduumma eera weriire, oize ogule omwenge (gwa mwoyo) n'amata aabula kiwesasulira (Isaaya 55:1) kisi anywa amaizi agenalimuwa talirayo nete kubulira nyonta. Amaizi agenalimuwa talirayo nete kubulira nyonta ya mwoyo nee galisuuka mu iye nsulo eyalimuwa

amaizi aga bwomi eera nemuwa obwomi obutawawo" (Yokana 4:14).

**4. OFUDU** olaga bugayali, budoto omu kugondera ebibakoba, eera n'eirogo. Obujeemu kibbi:kibbi oti irogo (1Samwiri 15:23). Omusaiza omugayali agaana okukola abba yeita yenka, ekyakoia kyonka kyonka y'okuseega ebyataka okusuna (Engero 21:25-26). OYoswa yali n'okukoba aBaisirairi, timwatyama aanu nge mubulaku ekimukola; muluye mwongere okwingira eera mukinyage kyona kyona (Abalamuzi 18:9) Obwomi bwa buntu bugayali ino eera budoto omu kusuna ebintu bya Kibbumba. OYesu yakobere ati" mwekanyangule ino mwezye okubita omu kalyango akadingi. Yena yena anonia yalibona (Luke 13:24, Matayo 7:12) Obwakabaka bwa Aangulu busunire okulumba okukambwe, eera abantu abakambwe bagezyaku okubutwala" (Matayo II:12).

Obulagajali obw'ebintu ebya kulama n'obusa bwa myoyo gya'iswe butwala mu kufa okutakoma. Ibwo butukaisya okusenga, okunonia ebintu bya Kibbumba ebye yala, okwikirirya ebisubize bya Kibbumba ebiizwire obusuni; ibwo bulungamya mu kujigirika. OKibbumba owatumula na iwe, nge akwegairira okumuwa omwoyo gwo olwatyanu, ositani okukoba ati, wakola ekyo izo, aabba ekiro ekindi ekisa, nge eky'enkabi embibbi ekiro ekyo kyezya obutaiza; walifa nge obula okulama eera nge obula oKurisito. OKibbumba akoba aati, "Owemubba muwullire omumiro gwa Kibbumba olw'ayyanu, timwabba b'eitalo nge abazeiza banywe owebajjemeire oKibbumba" (Baebulania 3: 7-8). Abantu bamika abafiire omu mwoyo nge bagaana okulama nibakuumiryanga kiro kindi ekiwomeraku nee nikitaiza kadi? Ekiro ky'eizo tikkika.

Ekikonkolo kya fudu abafumu batira inno okukikolesya omu kulagula, era aanu kiraga kibbikibbi kya kwesiga n'okukola eby'ierogo, okulagula naabba, empuli, naabba emisambwa, omu kifo kya kwesiga oKibbumba omwomi. Eino omu biseera ebya kutugezya n'okulwala omu kudamba n'okufisa, batukoba kweta Kibbumba omwomi akuumiriire okutubbeera omu kifo kya kwesiga nkabi ensa aba embibbi; olwakubba:" Omusenga alungamya omuntu omu nzira egayaya ba okubitamu (Zabbuli 37:23) "Aliwo yena yena omulware? Ayete abakaire be kanisa bamusabire eera bamusiigeku obuto omu liina lya musengwa waisu. Okusaba kunu okubakola omu kwirikirirya kwaliwonja oyo omulware; eera nebibblebbi ebiyakolere balimusonia. Kale mubbutuliranganirenge eibblebbi byanyu eera musabiranganirenge kiisi mwoiza n'omwinaye, kaisi mwezya okuwona" (Yakoba 514-16). OKibbumba yalagiire a Baisirairi nge akoba ati, Timuwangayo abaana banywe okubookerya oku

maalutaali ganywe; eera timwikiriryanga abantu banyu okulagula aabba okunonia obumanyikiryo bwe nkabi, naabba empuli, aabba okwaba endagu eera timubaikiriryanga nibatumula n'emiigu gya bafu, nge omukusamira. Omusengwa oKibbumba wanywe akyawa abantu abakola ebintu ebbibbibbi bityo (Magambi 18:10-12). Enza w'ekigo (ekya Angulu) niiyo eri abadankaani eera n'abakola eby'eirogo, abalendi eera n'abaiti, abasenga ebifananyi eera n'abbabeyi omu bibono n'omu bikole (Okubikula 22:15).

Timwabanga okwebuulya oku bantu abatumula n'emiigu gya bafu. Owemukola mutyo omukolo ogwo gwalibasukya babbibabbi. Ninze oMusengwa oKibbumba wanywe (Abaleevi 19:31). Nee abantu balibakoba okubuulya obubaka okuzwa omu balaguli n'abasamira nge, bekasia eera nibaluluma. Balibakoba bat, "Neso nagoo abantu bali n'okwabaku omu ndagu eera n'okwebulyaku abafu olwa boom. Mubairangamu muti, muwulire oMusengwa eky'abakoba Timwabulisis-yanga abasamiri ebibabakoba mubula ekyalibakola kusa mwibo, naire (Isaya 8:19-20).

Nge bwosoma akatabo kanu, oKibbumba atumula naiwe, akweta okuzwa omu babbibabbi eera n'okumuwa obwomi bwo, nee omuzimu gwa fudu, oguli omu mwoyo gwo gugezyaku okukuwa ebiseego okuleka kaisi okusalawo ku kinu, eera gugezyaku okwizulya omwoyo gwo n'obuti. Abantu beika n'abemikago, n'abandi bankola batya? Owensuuka omwikiriry omutuukye. Kyabba kitya okulekayo okwaba omu mabina aabba omu mikolo gya mukyalo aabba omu mizenyo? Omu kifo kyakubona obusuni obungi obuli omu Kuristo oYesu, n'olusagaaluko lwe olwewumisya, eisangalo lye, obwomi obutawawo obwizwire eisangalo, otolera okubona ebintu byona byona ebyoyezya okugotya aabba okulekawo nge oikiriry oKurisito okungira omu mwoyo gwo, nete okutya abantu n'okutya okufa kukukumira omu bwidu bwa Sitani. Nee oKurisito yaizire kusindibula abo ababbaire abaidu obwomi bwabwe bwona bwona olwa kutya okufa (Baebulaniya 2:14-15). Omuzimu gwa bugayali owogugondera gukuwa okubba omujemu okutuukya omwoyo gwo owegukalanguka n'igubba oti kikonkolo kya fudu.

**5. ONGO Kisolo wa busungu inno eera mulalu.** Ekinakoolo, obusungu n'eikayu bitira inno okufuga omwoyo gwa muntu eera empiriri nyangi bizwamu kwita. Oyezya okugezyaku, n'olwisi n'oyezya n'okufuga eikayu lyo okutuukya eryatika n'entisyu yona yona. Kisa okwikiriry oti liri omu mwoyo gwo, eera nosaba oYesu nakusindibula. "Totwalibwanga obu-

sungu; bukulungamya mu bugosi" (Zabuli 37:8). "Obusungu bubbibubbi eera bugyigirikya" (Engero 27:4). Wekuume obutakayuka; kya busuru, okubba n'endibo (Omulabbi 7:9). "Obbinge obusungu" (Abakolosayi 3:8).

Abati bangi banya kaisi bezya okuguma nibakola ekikole ekibbibibbi abba okwesasula, nee kiri oti mwenge ogubakolere omubusagwa bw'ampiri (Ebya mu mirembe 32:33). Okwesasula kuwoma eri omwoyo omubbumbubbi, nee oKibbumba niye abonereza ebikole ebbibbibbi byona byona. OYesu yakobere ati, Otakeenge omuliranwa wo nge iwe-taka onyere, (Makko 12:31). Ate "Otakeenge abanobi bo" (Mattayo 5:44). OKibbumba yasubizire okusonia ebitali bisa byona byona ebyetwakolere owetubba nge swena tusonia abandi ebitali bisa ebibatukola (Mattayo 6:12). Omwoyo ogw'engongi, n'ókwezuluguma oKibbumba agunoba. Okutaka okusuka eisaye n'entalo kuli omu mwovo gwa muntu, eera n'ebindi bityo byona oKibbumba abinoba, nee olusagaluko lwa Kibbumba olunyerenyere nge lwaguma lubba mu mwovo eera nirutyama omwo.

**6. OMPIRI** yalebere oKawa omu ndimiro ye Adeni navunawo okukolera amo n'omukago gwe n'oKibbumba. OSitani yagongeire Adamu n'okawa, obweyawabawoine nge bafuga ekyaal, nge bali omu bumo obwizulye n'oKibbumba, eera nge batwala ekifo kye. Olw'eiyali nge ali omu ngogi egyo oSitani nakola olukwe olwa kujjigirikya Adamu n'oKawa, eera nayezya okuvunawo omukago n'obwomi bwabwe n'oKibbumba. Eera eiyali lya Sitani erinyere eryo n'engongi overibba omu mwovo gwa muntu limalamu eisangaalo. Eiyali lireeta ebiseego ebbibbibibi omu mwovo eera lituuka n'okulungamya abantu, okwitanga-na. Kinu kiriwo inno omu bwomi bwa bambo oku bafumbo. "Omusaitza omufumbo abula kiruyi ekikiraku ekyabba nakyo nge eibuba limukwaite; engeri egiyesasulamu tebbaku kikomo" (Engero 6:34). Omu itamba n'omu bwomi bw'eizo n'eizo omu ngeri egindi lireeta okudamba n'ebinakoolo ebitakobwaku. Abawererya abaKurisitayo n'abalabbi b'enjjiri bona abamo olwisi oSitani abagwisya omu iyali obwebabona nge oKibbumba aali kukolesya omuwererya we ogondi okubakiriku ibo. Kale kiisi mwoiza okubawererya ba Kibbumba awomeire okwekuuman-ga ebiseera byona byona, éera aizule n'okwizula okutaka okusa okwa Kibbumba okweyasukire omu myoyo gyaisu nge akolesya oMwovo oMweru (Baluumi 5:5), nge tinikyo omugaso gwabwe eri oKibbumba omu buwererya wabwe bibebenyeka olwakubba n'omwovo gw'eiyali.

**7. EKIKERE** anu kiraga bibbibibbi bya kwegomba empiya nge niikwo

okubyaala obubbibubbi bwona bwona (1 Timosewo 6:10). Ebikere ebimo ebya mukyaalo ky'eKongo obyagirya nge biwoiza ebikumi n'ebikumi by'ensoli okutuukya ebyatika ebida nibifa, ekyo nikiraga n'omwoyo gwabukoddo. Omuntu omukoddo taganya kusetula engalo ye okubbeera abadoobi, nee agezyaku omu ngeri yona yona, abba mu butuukye abba mukubbeyesya, okwongeranga okusuna ebya bugaiga bya mu kyaalo munu. O'Yesu kiyazwire onyere akoba ati, timwebisiranga ebya bugaiga oku kyaalo kunu ebinyomo, okutalaga n'obukuku egibyezerya okubibebenya eera n'abaibbi egibavuniry a nibabiibba. Nee, mwebisirenge ebya bugaiga byanyu Angulu, ebinyomo, okutalaga n'obukuku egyebitayezerya kubibebenyera, eera abaibbi abatayezerya kuvuniry nibaibba. Olwakubba omwoyo gwo eizo n'eizo gubba busuni bwo egyebubba (Mattayo 6:19-21). Akani n'ab'omu nyumbaye babakubbire amabbaale bafa olwakubba yegombere ezaabbu, efeeza n'engoye (Yoswa 7:19-26). O'Yuda Isukalioti omwegi wa Yesu, yemyedere olwakubba okwegomba empiya kwamuleteire okukyama n'okulya nalya omu Musengwa we olukwe. Empiya timbiibbi naire ezaabbu, nee okwegomba empiya eera okwegomba okwo kwebisira kimo munda omu mwoyo gwa muntu, nikwo okubbikubbi. Enkumi n'enkumi egya basaiza n'abakali ab'ebika byona byona n'amawanga gona gona babebenya obwomi bwabwe n'obwa ba mu maka gabwe olwa kwegomba okusuna obugaiga obwa mangu nge bakubba empiki n'ekalata, bamuma empiya empitiriri omu mizenyo gy'empaka. Okwegomba obugaiga anambula kuleyeri kilungaamya mu kwibba n'okwita olwisi n'okwemyeda. Okwegomba empiya n'owimi byabiraku ebindi bingi nge okwegomba okusuna obwezye bwa kufuga abantu aamo n'obwezye obwa busuni olwakumigirira abadoobi, abandi bataka okusuna bwezye omu madiini, nge n'okufayo kwabwe kwona kwona bamalira kubibiina bya makanisa nee tiku Kibbumba, nge bawakania kiisi mwana wa Kibbumba yena yena aguma n'asenja oKurisito nge taangiire kibiina kye kanisa yabwe, (Makko 9:38). O'Yesu yakobere ati, "Mugenderere eera mwekuume obuluvu obwa kiisi kika; olwakubba obwomi bwa muntu obunyerenyeere tibuzwa mu bintu ebyabba naabyo; n'eyankabba mugaiga atya" (Lukka 12:15). ekifumo kya musaiza omugaiga o'Yesu yakigerere ati; "Lumo abbairewo omusaiza omugaiga nge aali n'eitakali elyabalire ebyakulya, yatooleire okweseegamu ati, Mbulaku antu anabisa ebyakulya byange byona byona, nakola ntya?" Niyeiramu ati, "Nakola nti; navunawo ebideero byange ninduka aganene, okukiraku, omwo mwenabisa oduuma wange n'ebiyabugaiga byange ebindi byona byona. Olwo kaisi neekobe onyere nti, Ng'oli n'enkabi ooli n'ebisa byona byona ebyakumalisya emyanka enkumu. Weyagaleku olye, onywe era wesiime." Nee oKibbumba namukoba ati, "Musiru iwe, Ekiire

ekinyere kinu wafa; kaisi naani eyabba onyere ebintu ebyo eby'ewebisiire?" Kityo niiye owekibba eri abo abebbirayku ebya busuni neege omu maiso ga Kibbumba bataki (Luka 12:16-21). Omuntu asuna magoba ki owalya ekyalo kyona kyona nee obwomi bwe obunanyerenyere nge bugotere? Aabula naire." (Makko 8:36). "Kale mbakoba okuteririkiranga ekiwalya nobbawo, abba ekiwazwalisya omubiri gwo... nee omukifo ky'ebyo ofengeyo ku bwakabaka bwa Kibbumba, eera yabawanga ebintu binu ... olwakubba omwoyo gwo gubba bugaiga bwo egyebubba." (Luka 12:22-34).

**8. OSITANI**, oiteye wa bubbei bwona bwona eera w'aabo bona bona abatumula obubbei, niye abatendera okukola ebbibbibbi eera niye afuga emyoyo gyabwe. OYesu yakobere ati; "Muli baana baitewanyu, o Sitani, eera mutaka kusenjereryà itewanyu ebyataka. Okuzwa okulube-raabere yaali mwiti, eera tabbangaku oku lubba lwa butuukye, olwakubba abulamu obutuukye. Owatumula obubbei, abba akola kintu kya bubyale egiali, olwakubba mubbei eera niiye oiteye wa bubbei bwona bwona" (Yokana 8:44). Okubbeyesya okutono kwagaagana n'okunene. Aaliwo ebya bubbei ebitumule, ebiyandike, ebikole. Omuntu eyefanania abba mubbei olwakubba omu butuukye abba yefanania okubba ekyatali. OKibbumba tabbeya nakabbaire omukurisitayo yena yena (Tito 1:2) "Nee, owtukoba tuti tuli bumo naye, neege tuli omu ndikirya tubba tubbeya omu bibono byaiswe eera n'omu bikole" (1 Yokana 1:6). "Nee enza w'ekigo kya Angulu niyo eri abadankaani, n'abafumu, Abalendi Abaiti n'abasenga ebifananyi eera n'abo ababbeya omu bibono n'omu bikole" (Okubikula 22:15). "OKibbumba akyawa abajulizi abatumula ebya bubbei" (Ngero 6:19).

**9. ONKOTA**, alaga ak'abantu akali omu mwoyo ogwa kiisi muntu. Aanu kairugaire eera kabbikabbi, amo oona kafu olwa kukola ekibbikibbi omu kweyenderanga eizo n'eizo kaizwire ekibbikibbi n"obwofu, nge tikakaali keezya okumanya ebikole byakoakananyere. Olwisi aka buntu akaiz-wire ekibbikibbi kayezya okuwa omuntu okutafayo niyesirikira, olwisi nabba nge tatereire. Kasonia owekandibbaire kawaaba andi kawaba owekadibbaire kasonia. Keezya okufa, nikabba oti bakookerye n'ekyoma ekiyo, eera nge kabulamu kuwuliram n'okumanya olwaku-lekwawo okwikiriry, n'ikagondera emizimu gya bubbei eera n'okusenija enjjegesya gy'emidaimooni, n'okubulisisya enjjegesya abantu abaizwire obubbei egyebatambulya (1 Timosewo 4:1-2; Baebulaniya 10:22).

**10. ERIISO LYA KIBBUMBA** libona kiisi kintu ekibba omu mwoyo. Aabula kyoyezza okubisa eriiso lye eryaka oti musio, n'olwekyo amaite


eera abona ebiseego by'ekyaina byona byona n'ebyo omwoyo ebyeg-wabirira. Nnewokola ebikole byo ebbibibibi ekiire aakati, omu magoola aakati, omu kiina ekyabiririaabba kibba, yaina, oKibbumba akibona. (Amaiso ag'omu bifananyi binu gaabitana n'embonia ya musaiza).

**11. OBULIMI OBUTONTONO OBWA MUSIO**, obweruguliriryemwovo bulaga okutaka kwa Kibbumba okweruguliriryemwovo ogwizwire ekibbikibbi. Newankubbaire nge oKibbumba akyawa ekibbikibbi nee ataka omuntu eera tataka omubbumbubbi okufa, nee akoba omuntu oyo kugaluka azwe omu bubbibubbi obwabbaamu, abbe mwomi (II Petero 3:9). OYesu yazwire Aangulu naiza kulanya abali n'ebibbibibbi Aabbawo eisangaalo inene inno aangulu okulwa ali n'ebibbibibbi omwoiza eyevuna (Luka 15:7). Obulimi obutontono ekindi bulaga eisaye lya Yesu oKuristo, "Omwana wa ntaama owa Kibbumba atolawo ekibbikibbi kye kyal (Yokana 1:29).

**12. OMALAIKA.** Alaga kibono kya Kibbumba. OKibbumba ataka kutumula n'abo abebabbeyere eera nge betwikire emigugu emizito eg'yebibbibibbi bezye okuzwa omu manzira gabwe agaizwire ebibbibibbi eera baikiriryekitangaala n'okutaka kwa Kibbumba bingire omu myoyo gyabwe.

**13. ONJIWA.** Kabonero ka Mwoyo oMweru, oMwoyo abikula obutuukye bwa Kibbumba, aamo n'obububbibi eera n'okumanya ebisa, eera n'oku kulamula kwa Kibbumba (Yokana 15:26). Aanu oMuwoyo oMweru bamulaga nge aali nza wa mwovo gwa muntu. Tayezya okubba eera n'okutyama ekibbikibbi aekityama aabba aekifuga.

Aabba nge ekifananyi kya mwovo gunu kinyere eky'ebintu ebiri omu mwovo gwo okungirire o Musengwa, omwigulirewo omwoyo gwo, oikiriryekitangaala ky'ekibono kye kimolekemu. (Bikole bya Batume 16:31). Oikiriryemwovo Yesu, walama. OKIBBUMBA iye amaliriire, eera yasubizire okukugalukya omwoyo gwo, okukuwa omwoyo omuyaka n'ebiseego ebiyaka (Ezekieri 11:19). Kinu bakisonzola kusa omu kifananyi ekyakubiri.



OMWOYO OGUMANYIKIRYE EKIBBIKIBBI.

## EKIFANANYI EKY'OKUBIRI.

Ekifananyi kinu kiraga omwoyo ogwevuna nge gutoolera okunonia oKibbumba. Omalaika akwaite empiima, yekibono kya Kibbumba" ekyomi eera ekkola ekyogi okukiraku empiima yona yona enjagalye olubba n'olubba. Kisala okutuukira kimo oku kwawulamu omuntu owa munda n'omwoyo, okutuukira kimo enyingo aegisanganira n'osolonko. Kiramula okwegomba eera n'ebiseego bya mwovo gwa muntu" (Baebulaniya 4:12). Ekibono kya Kibbumba kimwewukirya kiti" ekyakuwera ky' ekibbibibi kufa." (Balumi 6:23). Eera kiti "kiisi muntu lumo yalifa, n'ekyaliiririra y'okulamula kwa Kibbumba" (Baebulaniya 9:27). Ekifo ky'oyo aali n'ebi bbibibbi n'omutaikirira kyalibba mu nyanza eyaka omusio n'obuganga (Kubikula 21:8).

## OMWOYO OGUMANYIKIRYE EKIBBIBIBBI

Om u ngalo egendi omaliaka okwatiriire ekiyanga. Kinu kya kwebukirya oyo aali n'ebibbibibbi nge swena swena twalifa. Omubiri gwaisu ogwetutaka eino, nituguzwalisy, nitulisya eera nituwoomya, nitugukuma tutyo eera nitufayo okubona nge tutukirira ebyegutaka n'ebegunonia, gwiza kufa eera guvunde, eera amagino galigulya, nee omuntu wa mu kida, n'omwoyo byalibbawo byomi ebiro ebitakoma, ekiro kimo byalibba mu maiso ga Kuristo, okubiramula (Il Kolins 5:10).

Aanu tubona nge aali n'ekibbibibbi atoolera okumanyikya obubaka bwa Kibbumba eera n'okwigulirawo omwoyo gwe okutaka kwa Kibbumba. OMwoyo oMweru atoolera okumoleka omu mwovo gwa muntu ogwizwire endikiirya n'ekibbibibbi. Ekitangaala kya Kibbumba kingira omu mwovo gwe nikimalamu endikiirya yona yona. Ekitangaala kya Kibbumba oweingira endikiirya ebba nakuzwawo. Ekihbibibbi, ebisolo binu ebitali bimo ekyebiraga, kiri n'okwaba. N'olwekyo, iwe omunsomi oikirirye oYesu, ekitangaala kye kyaalo, kingire omu mwovo gwo eera n'ebikole ebbibibibbi eby'omundikiirya biri n'okuzwawo omu mwovo gwo, nge ekifananyi owekiraga. OYesu yakobera ati, "Ninze elsana lye kye kyaalo. Yena yena ansenja yalibba n'ekitangaala kya bwomi eera tiyalaya kutambulira omu ndikiirya" (Yokaana 8:12). Toyaba kwezya okubbinga ekibbibibbi nomala omu mwovo nge okolesya maani agago, amalabuki agago, naire n'amalabuki ga bantu abandi. Engeri ekira owangu eera ekola okusa, oKibbumba egiyabwoine, niyo okwikirirya oYesu, Ekitangaala, n'endikiirya nikyo ekibbibibbi, bibba n'akwaba. Omweri n'enkota byezya okutuwaku obubbeeri omu kiire ky'endikiirya, nee eisana owerizwayo endikiirya n'obwo obutangaala obutyaitai bigo-



3 OMWOYO OGWEVUNA.

tawo. OYesu niiye elsaia ly a butuukirire. Oweyayabire omu Yekaalu e Yerusalem, yabbingiremu bonabona ababbaire oku byamaguli. Nagangulyaga amamenza ga baswanisa empiya eera n'obumenza bwa batunda enjiwa, nakoba ati," Omu biyaandiike oKibbumba akoba ati, eYekaalu yange bajetenge nyumba ya kusengeramu, Nee inywe mugisuuKiriyemu kyeisamo kya baibbi, (Mattayo 21:13)". Omwoyo gwo bagukolere kubba nyumba ya Kibbumba niiyo e Yekaalu ya Kibbumba. Ataka kutyama mu mwoyo aguwomye, agwizulye ekitangaala, okutaka n'eisangaalo. OYesu yaizire tikutusonia bibbibibbi byaisu kyonka, nee yaizire okutusindibula n'okututeeresya amaani n'obufuge bw'ekibbikibbi. "Omwana (oYesu) owakuteeresya obbeera kimo butaala" (Yokana 8:36).

### EKIFANANYI EKYAKUSATU

Ekifananyi kinu kitulaga owekibba omu mwoyo gwo'yo aali n'ebibbibibbi niyevuna n'okumalirira. Aanu abona obubitiririi n'obubbububbi eino obw'ebibbibibbi bye ebingi oYesu ebyeyafereire oku musalabba. Owalingirira omusalabba, omaliaka (niyi Ekibono kya Kibbumba), ogwamulaga, guvuna omwoyo ogwo atyanu ogubulira eibbengo eera abulira okwelyebukya n'obutaki obunene olwebibbibibbi bye ebingi. Owabona okutaka kwa Kibbumba okunene okweyalagire omu Kuristo oYesu okutaka kunu kusaanula omwoyo gwe, eino owatoolera okumanyikya ati o Yesu o Kuristo oMwana wa Kibbumba, yaizire okutoolawo eibbibibbi bye ebingi, nge oweyamaliriire okufa omu kifo kye oku musalabba.

Obutuukye obwa Yesu okumukubba, bamutiika omuge gwa mawa, nibakubbirira emisumali omu ngalo n'omu bigere bye nafeera oku musalabba olw'ebibbibibbi byaiswe, buboneka kusa eera butembereri eri oyo aali n'ebibbibibbi eyevuna, nibugalukiryा kimo omwoyo n'obwomi bwe. Owabba asoma eKibono kya Kibbumba omuyebonera oti mu ndabirwamu, yeyongera okumanyikya nge oweyabiriire okuzwa oku Kibbumba eera n'atakola ebiragiyo bye. Okubulira enima n'obutaki bimuyinga, eera owasuka omwoyo gwe eeri oKibbumba omu maliga n'okukunga okunene, oYesu aigerera egiali. Okutaka n'iedembe lya Kibbumba bingira omu mwoyo gwe nge atooleire okumanyika ati "elsaaye lya Yesu, oMwana we, litunaabyaku kiasi kibbikibbi" (1 Yokana 1:7) "Ontonderemu omwoyo omweru, O Kibbumba, eera ontee-kemu omwoyo omuyaka eera omugondi" (Zabbuli 51:10). Nete ekibono kya Kibbumba kikoba kitii" Nsangaalira aabo abateeki eera abeevuna, abantya eera abangondera" (Isaaya 66:2). OMwoyo oMweru:

amumolekera oku bibono bya Yesu, "Oiremu amaani mutaane, wange, Ebibibibi byo babisoniyire" (Mattayo 9:2). Nge akaali alingiriire omusalabba eera n'eisaye lya Yesu eryasusukire oku musalabba, nge aikiriry ati kyonakyona bakikolere ku lulwe, atoolera okumanyikya ati omugugu gwe kibbikibbi bagutware nibagumutoolerawo, olwakubba oYesu yagumiire okudamba okwandibbaire okwaiswe; ati "Olw'ekibbikibbi kyaiswe bamusumitire, bamukubba olwabutali busa bwetwakolere" ati "Omusengwa yataire ku niye ekibonerezo (Isaya 53).

OMwoyo oMweru eera n'okutaka kwa Kibbumba bifuga omwoyo ogutukwire. Obwaikirira oYesu amanyikya ati eibbibibbi bye babisoniyire, olwo asuna okugumyagumya omu mwoyo gwe ati eisaye lya Yesu, oMwana wa Kibbumba, limunaabiryeku eibbibibbi bye byona byona (1 Yokaana 1:7). Atyanu amanya kusá inno ati kiisi aikiriry aYesu tiyalifa (Omú mwoyo), nee aabba n'obwomi obutawawo (Yokaana 3:16). "Olwakubba olwa kufa ng'esadaaka okwa Kurisito niikyo ekitusindubula iswe, ekikoba kití, eibbibibbi byaiswe babisoniya" (Baefeso 1:7). Okwegomba okubbukubbi okwa buntu atyanu kuzwerawo okutaaka okunene okwa Kibbumba natoolera okumuwererya iye "eyasookere okututaka iswe" (Yokaana 15:9). Omukifo kya kutaka ekyalo n'ebintu bya mukyalo, ataka Kibbumba na bintu bya Kibbumba. N'olwekyo omu kifananyi kinu twagya ng'ebisolo ebiraga ekkibkibbi atyanu biri nza wa mwoyo gwe, naakkabaire nge oSitani tataka okuzwa omu kibbaire ekidaala kye, nge alolyamika enyuma, nge asuubira okwaggyira aokwingirira nete. Kinu niikyo ekizwaku oMusengwa oYesu okutulabula twekuumenge eera tusabenge nge twakanisa oSitani kaisi atwiruke (Yakobo 4:7).

## EKIFANANYI KYAKUNA

Ekifananyi kinu kiraga mukurisitayo amalire okusuna eidembe eriiulye n'okulama okwe biro ebitawawo olwa kufa kwa Musengwa eera oMullanya waiswe, oYesu Kuristo, eera titeweuja olw'ekintu ekindi kyona kyona okutoolaku" olwa musalabba gwa Musengwa waiswe oYesu Kuristo: olwakubba olwa musalabba gwe, ekyalo kyona kyona kifu egetyuli eera swena twafiire eeri ekyalo" (Bagalatiya 6:14) OYesu yafiire oku musalabba kaisi swena, twwezye" Okufa eeri ekkibkibbi eera tubbe boomi olwa butukiriry" (Petro 2:24). Omukurisitayo eeri ekyalo abba mufu eera batulagira okwikiriry oMwoyo oMweru okutulangamya omu bwomi bwaiswe, eera titwaikiriryenge okutukiriry okwegomba kwa buntu, (Bagalatiya 5:16-25).


Omusaale okubakomeire oMusengwa oYesu nge bamalire okumutoolaku engoye, bamulaga omu kifananyi kinu ekyo mwoyo, eera n'emiigo egibamukubbire omu busungu obungi. Bamulumiriiryre olwe babbibibbi byaiswe olwakubba "okulumiriiryra okuyadambire nakwo nikwo okutuwonia" (Isaaya 53:5). OKerde n'abaisulukale be nibamusekerera, eera nge bamalire okumulwaya agaigo, bamwikatiire oku mutwe omuge gwa mawa omu kifo kya kumutiika engule ya Zaabbu, eera nibamukwatisya ekisaale omu ngalo endiiro omu kifo kya mwigo omukoomero ogwa kabaka, eera nibakotamanga omu maiso ge nge bamusekerera, nge bakoba bati, "Owangaale kabaka wa Bayudaya" Bamwandireku ebita nibamutoolaku ekisaale nibamukubbira ekinyere ekyo oku mutwe. Nge bamalire okumuzumirira omu ngeri eswaza era erumya nibamutwala okumukomera oku musalabba (Mattayo 27:27-31).

Aaliwo abeyeta bakurisitayo nge basenga nibabba n'omu kumenya omugati, okwa bumo omu mwoyo, bemba enyembo gya Kibbumba neege, olwa bubbibubbi obwa bikole byabwe, basigala nge bongera nete kukomera oMwana wa Kibbumba ku musalabba (Baebulaniya 6:6). 'Abantu baseega bati kiisi muntu ayeta ati Musengwa Musengwa yalingira omu bwakabaka bwa Kibbumba, nee oMusengwa akoba omu Mattayo 7:21-27 ati" Tikiisi anjeta, Musengwa Musengwa yalingira omu bwa Kabaka wa angulu, nee okutoolaku abo bonka abakola oBaabba owa Aangulu ebyataka bakole" (Mattayo 7:21-27)

Om u kifananyi kinu nete tubonamu ensawo y'empiiya egya Yuda, eyaliiremu olukwe lwa kufa kwa Musengwa oYesu eera namutundamu ebiyande bya feza assatu, olwakubba amairu g'empiya gaali gaizwire omwoyo gwe eera n'ebisego byona byona nge biweereire kuukwo. Eitaala, enjegere, n'ebindi niibyo abaisulukale abatware oYesu obwire nge omubbowe, ebyebakoleserye. Akalulu akabatira okukolesya omu mpiki niibwo abaisulukale obubakoleserye okugabaniryamu ebizwalo bya Musengwa." (Bakubbiire ebizwalo byange akalulu eera babyegabaniamu" (Zabbuli 22:18). Batwoire kiisi kintu oku Yesu nee iiye cnanyere nibamugaana, nge bakob abati, "Titutaka omusiaaza oonu okubba Kabaka waiswe."

OKUFA  
N'OKURISTO  
Baluumi 6:6

"MWAFIIRE?  
EERA OBWOMI  
BWANYWE  
BUBISE AAMO  
N'OKURISITO  
OMU KIBBUMBA"  
Bakolosayi 3:3.



OKUFA N'OKURISTO

abantu, okutwalira aamo, bataka okusuna enkabi gyona gyona egizwa eeri oKibbumba, oikendi yena yena eera n'okwaka kwe isana kwona kwona nee tibataka okwewayo okuwererya oKibbumba nge oMusengwa wabwe. Eeri abangi eino, oKibbumba musa mu kubbeera omu biro ebya bugosi eera n'okutya.

Nge bakolesya eisimo, abaisulukale basumitire oYesu omu mpete gye n'omu mwoyo "eera aananyere awo eisaye namaizi nibisusuka" (Yokaana 19:33-37). Onkoko yaali akaali kukokoola oPetero nakoba emirundi misatu ati tamaite oYesu, nee eira waaku oYesu owe yamulolerekuna nge akunga omu butaki obungi (Mattayo 26:69-75). Iwe obbutula omu bantu oti wawaire oYesu oKurisito omwuyo gwo? olwebyo ebyokola n'ebyotumula? nawo ensoni gikukwata okumanyikisa abantu abandi? OYesu yakobere ati, "Oyo ambutula omu bantu ati iye wange, zena ekyo kyenalmukolera omu maiso ga Papa Aangulu. Nee yena yena anegaanira omu bantu, nalim-weganira omu maiso ga Papa Aangulu" (Mattayo 10:32-33).

OYesu ekindi yakobere ati," Ateetiika omusalabba nansenjaaku tawomera okubba omwegi wange (Mattayo 10:38) Beesiimire abasuna obukuumi omwi Ibbaale oYesu Kuristo.

"Eibbaale ery'ebiro n'ebiro omu bantemeire ekyeisamo,  
Oleke nebise mu iwe; Oleke amaizi eera n'eisaye,  
Ebyazwire omu mpete gyo omu basumitire bisusuka,  
Bibbe eri ekibbikibbi okuganga okunene;  
Biinnabyeku eibbengo n'amaani gaalyo."


### EKIFANANYI KYAKUTAANU

Ekifananyi kinu kiraga omwuyo omutukulye eera omunaabye ogwa mubbumbubbi alamire olwa ceere ekibitiriri n'okusonia ebya Kibbumba. Gusuukira kimo Yekaalu ya Kibbumba entuukye, aaka wa Kibbumba oltewaiswe, oMwana eera n'oMwoyo oMweru, eera nge oweyasubizire oMusengwa oYesu Kuristo ati, "Oyo antaka yalikwata okwegesya kwange. Opapa yalimutaka, eera oPapa nanze twaliiza egalyi nitutyama naye" (Yokaana 14:23). OKibbumba awa ekitiisya, n'enkabi eera nagangamula omuntu nge abita mu Yesu Kuristo! (Luke 1:52).

Omwoyo ogwo atyanu gusuukire eyekaalu ya Kibbumba entuukye. Ekibbikibbi bamalire okukibbingira enza. Omukifo ky'ebisolo ebitali bimo oSitani ebyafuga, citeye wa bubbibubbi n'obubbei, tubona. Omwoyo Omweru wa Butuukye, nge atyaime omu Mwoyo ogwo. Omukifo kya

OKUTAKA  
EISANGAALO  
EIDEMBE  
OBWESIGE  
Bagalatia 5:22-23

EKISA  
OBUSA  
OBUGUMU  
OBUTEEKI  
OKWEKUUMA



5 EYEKAALU YA KIBBUMBA

kubba ekifo ekibbikibbi omu kibyalira, omwoyo gusuukire musaale omusa naabba endimiro yemisaale okwamaku ebineneka, nge kwama-ku ebineneka bya Mwoyo oti biinu: Okutaka, eisangaalo, eidembe, obuteeki, obugumu, ekisa, obusa, obwesige, okwekuuma eera n'ebindi oKibbumba n'omuntu ebyasiima eera ebimusangaalisya (Bagalatiya 5:22-23). Atyanu asuukire eisaga erya Muzabbibu ebineneka byagwo bya Musengwa oYesu Kuristo. Ekyama kya kwamaku ebineneka nikyo kitii asigala omu bumo n'okuristo eera oKuristo n'ebibono bye bisigala omu muntu oyo (Yokaana 15:1-10). Nge owebamwizwirye eera nibamubatiza n'oMwoyo oMweru atyanu aali n'amaani ag'okuwangula omubiri n'okwegomba kwagwo, eera n'okugwita (Bagalatia 5:16). OMwoyo oMweru niyi alungamya obwomi bwe, eera taira kutuukirira okwegombwa okwa buntu bwa mubiri (Bagalatia 5:16). Tairayo okukolera ku biibyo ebyabona, ebyabulira eera nebyabulira omu mubiri, nee ku kwikirira olwakubba" tusuna obuwanguli oku kyaalo nge tubita mu kwikirira kwaiswe" (1 Yokaana 5:4). abbawo omu kugumya n'osuubi eera ekimuwa amaani niyi osuubi wa kwira kwa Musengwa waiswe oYesu Kuristo okuli ampi. Abbawo nge yeboneraku okutaka kwa Kibbumba okwe biro n'ebiro.

"Besiimire abatukulye omu mwoyo; balibona oKibbumba" (Mattayo 5:8). OKabaka oDaudi, naakabbaire nge yabbaire n'obusuni eera n'obuwanguli oku banobi be, yamaite at olatalo olukira obukulu lwali mu mwoyo gwe eera obweyamanyikiry ekyo mwoyo ekikulu ekye yaali n'okubba nakyo, niyi okusaba ati, "Ontonderemu omwoyo omutukulye, O Kibbumba, eera onteekemu omwoyo omuyaka eera omugondi" (Zabbuli 51:10). Abula ayezya okutukulya omwoyo gwe onanyere, abba okutonda omwoyo omunaabье, okutoolaku nge yevunire omu butuukye naiza eeri oKibbumba nge oDaudi obweyakobere nasaba oKibbumba okumutonderamu omwoyo omutukulye. OKibbumba ataka okukola ekintu ekiyaka omu bwomi bwo. Okulema obunyiriki n'obukusukikusuki bwe bizwalo ebyebeta obusa bwo, nge akolesya osuubi eera n'ebiyakwekuumisya ebya bubblei tikyalisuukya omwoyo gwo ekifo ekiwomera oKibbumba okutyamamu. liye amaliriire bumaliriri okukub-beera olwakubba yasubizire ati, "Nalikuswankira n'amaizi amasa eera ninkusuukya mutukulye okuzwa omu bifananyi byo na kiisi kintu ekindi ekyabbaire kikufuduukiry. **Nalikuwa omwoyo omuyaka eera n'ebiseego ebiyaka.** Nalitoolawo omwoyo gwo omujjemu ogw'eibbaale eera ninkuwa omwoyo omugondi Naliteeka omwoyo gwange mu -iwe. Eera nalibona nti osenja amagambi gange eera n'okuma ebiragiyo byona byona ebyo nakuware" (Ezekieri 36:25-27). Bunu niibwo obukwenda obwa mu Ndagaano Empyaka oKibbumba


egiyatuware nge abita omu Mwana we oYesu OKristo.

Omukifananyi kinu tumanyikamu ekindi nge oMaiaika airamu okuboneka. Abamalaika babawaire gwa "Kukuma aabo abawa oMuseengwa ekitiisya eera n'okubawonianga omu kabbikabbi" (Zabbuli 34:7; 91:11, Danieri.. 6:22; Mattayo 2:13; 13:39, 18:10; Bikole bya Batume 5:19, 12:7-10).

OSitani yena aboneka omu kifananyi kinu nga ayemereire ampi ampi n'omwoyo, oti amo anonia nkabi gy'okweirira aabbaire aaka. Olwa kinu, batulabula" Okwekuuma, tubbe nge tubbalya, Omunobi wanywe, oSitani, atambulatambula oti Mpologoma awologoma, nge anonia ogweyalaya" (1 Petero 5:8). Atira okwefaanania oti malaika w'ekitangaala, nge abeegereria abaana ba Kibbumba abagayali nge abita omu kwegomba kwa mu kyalo kinu, nagezyaku omu bukukyaakukya bwe okubbeya n'abo abatoolyemu aba Kibbumba. Nee owetwakanisa oSitani atwiruka, (Yakobo 4:7).

### **FKIFANANYI KYAMUKAAGA.**

Kinu y'ekifananyi ekikwatisya obutaki ekya mwikirira aali kugwa. Eriso erimo litoolera okuwola eera okubbaamu ondoolo omu bwomi bwa bukurisitayo, eriso lidi erindi liroyamika anambulaku nsoni, nge lisala omukago n'ekyalo. Ekitangaala kyamu kikendera eera ebifannanyi ebiri omu mwovo gwe, ebiraga okumalirira kwe okudambira aamo n'oKuristo, bigwire eera tibikaali byemereire kusa. Ebigezo bimwesitireku yena aaba abigondera mpola mpola omu kifo kya kubyakanisa, nawulisisya eigono lya Kibbumba atyanu atoolera kubulisisya biseego bya Sitani ebya bukukyaakukya n'osuubi abulamu. Naakabbaire nge ayezya okusigala nge ayaba omu kanisa, nge abisire okwegomba kwe okwa bintu mu kyalo kinu omu kifananyi kye Diini, okutaka oKibbumba kuwolere omu omwoyo gwe. Asuukire muntu abulaku kyasalirewo, nge ayemereire aakatikati wa manizira mabiri . Atoolera okuzenza ne bintu bya mukyalo kinu, eera nge yefanania bwefanani okutaka oKibbumba. Onkota omu mwovo gwe, akabantu, kakendera Omusalabba taira nakugwetiika n'eisangaalo, nee gusuuka mugugu omuzito ogwatasangaalira. Okwikirira kwe kutoolera okutengeeta, alekawo okutumula n'oKibbumba omu kusenga, asuuka muntu atafayo eera agayalira embera ya mwovo gwe eera mpola mpola aigulirawo oSitani akumirire enza wa mwovo gwe. Awomerwa ino okubba n'abantu ab'ekibbikibbi okukiraku okubba n'abaana ba Kibbumba abatuukye.



OMWOYO OGWIZWIRE OKUGEZYA EERA OMUGABULEMU

Okulukulu, alaga kwemanya, atoolera okunonia enzira yakwingira neete. Omuntu oyo ayezya okubba ayebereire ati yalamire lwa ceere kyonka nasuuka mukurisitayo owa malala. Okwegomba okunuya kukonkona oku lwigi eera kutaka kwingira. Kyezya okubbawo ku mukolo, nge aali omu bakagwa be ab'ekibbikibbi, gyaswalira okumutwala bati yayaukire okuzwa omu nzira, abba munafu takolera amo n'bainaye, niyiye oSitani owamukobera ati olumo lunu lwonka tilwabebenyé obwomi bwe obwa mu mwoyo. Ebiseego n'okwegomba ebitali bya mu mwoyo byebootukya Olwisi atoolera okuwomerwa okusaaga okubbukubbi, okwirairamu okulingirira ebifananyi ebyemula n'okuwomerwa okubba aamo n'abantu abatali niibo, okwaba omu mabina, ebinyumo ebibbibibbi ebye kyalo, okwekalangulira oku biseego ebibbibibbi ebizwa ewa Sitani amukoba ati bunu butonde bwa muntu era ekibbikibbi ekimo kyonka tikigaana.

Kituukye, twezya obutalobera enyonyi nya mukigona agya bubbibubbi n'abba ebiseego ebibbibibbi okugulukira angulu w'emite gyaiswe, nee tubba tubbengere owetubi kirira okutufuga n'okuluka ebisaasiriro byagyo omu mwoyo gwaiswe, nibibalira omwo ebikole byabyo ebibbibibbi. Owetuwa oSitani akanwe kaiswe akansweike, iyiye abbaka ngalo yona yona, nakuusa omuntu wa munda eera n'omwoya nabitwala omu geyena etalikira. N'olwekyo oKibbumba atulabula n'amaani gona gona, twewale okwegomba kwa bonyete eera ne'wekibba nge kiizire mu ngeri ki. Oiruke eri oYesu, akuma eera alwanira.

Omusaiza abonekera anu omu kifananyi kinu nge aali kusumita empiima omu mwoyo, alaga abazumirira eera abaakanisa obukurisitayo. Bakolesya ediini gyabwe egibulamu eera n'emina egiduula nibasumityaga eera nibabebenza emyoyo nya baikirira oYesu - dala okulumba omwoyo omugabulemu okwegutayezya kuwona. Atoolera okutya abantu okukiraku oKibbumba eera olwa kutya omuntu ekiyakola n'ekiyakoba omuntu oyo asuuka mwidu wa bantu eera azwa oku Kibbumba. Obusungu n'eikayu bibba niibyo byerere omu biseego bye omu biseera eby'ebigosi n'okukaywa. Ompiri oyo omubbimubbi owengongi egiboneka nge abantu abandi bakiraku obuwanguli eera n'obusuni, gikwetuka ningirya omu mbiso, eera aabbakuwo enkabi giigulirawo kimo ekidiki n'ekinakoolo n'okwemanya bingira.

Kyangu inno okwegomba kwe mpiiya okukwetukira omu mwoyo gwaiswe okutoolaku nge tugondeire okulabula kwa Musengwa waiswe oYesu Kuristo atulabula ati, "Mwekuume eera musenge okutagwa omu kubagezya" (Mattayo 26:41). "Kaisi aseega ati ayemereire n'amaani

agenderere okutagwa" (1 Bakolinso 10:12). Tuteekwa okuzwala ebya kulwanisya ebyeyatuware, kaisi twezye okwemerera okuwakania okuleba okubbikubbi okwa Sitani (Baefeso 6:11-18).

## EKIFANANYI EKYAMUSANVU

Ekifananyi kinu kibbutukya embeera ya mwoyo gwa muntu ogwagwire nge lumo yabbaireku omu kitangaala kya Kibbumba eera yalegeretu ekirabo kya Aangulu eera yasunireku omugabo gwe ogwa Mwyoyo oMweru nalekawo okwikirirya kwe (Baebbulaniya 6:4). Ekindi kiraga embeera ya muntu atevunanga naire kwewayo eeri oKibbumba, naakabbaire nge obutuukye bw'enjiri, obwebqeta bati, "Amawuliro amasa", babba bamalire okumuwa eera n'okumubikulira. Omusaiza owe'italo oKibbumba owabba atumwire naye yejongeranga kwejjumuula weiju-muuli naakabbaire nge eiganyi lye eryakwegalukya tiribbeera.

OYesu onyere yasonzwoire embeera y'abo abagwa nakoba ati, Omuzimu oweguzwa omu muntu, gutambulatambula omu kyalo ekikaluu nge gunonia ekifo kya kuwoleraku. Owegukaywa okukisuna, gwekobamu guti, Neirireyo omu nyumba yange kale gukanga eera owegwagya enyumba eyo nge mpweru eera nnyonjo. Olwo guwuluka, eera nigwaba guleeta egindi musanvu egikiraku iigwo obubbububbi, eera giiza nigraphyama omwo. "Kale byaba okwikaikana nge omuntu oyo aali omu mbeera embiibbi okukiraku eedi eneekeereri." (Lukka 11:24-26). "Ekibatuukaku kiraga nge Engero ntukye; 'Ombwa akanga nalya ebyasesemere' eera ombiizi ogubamalire okunaabya akanga yegalangaliryu omu iitosi." (2 Petero 2:22).

Ebiyandiike binu bisonzola kusa embeera ya mwoyo gwa muntu agwire aabba oyo aali n'ebibbibbi akaali, kwevuna. Ekibbibbi omu bubbeti bwakyo bwona bwona kiizire nete okutyama. N'okufuga omwoyo naabba omu maiso ge mwona mulaga omu ngeri egendi, embeera ya mwoyo gwe. OMwoyo oMweru, onjiwiwa omuteeki, aabba aali n'okuzwa omu mwoyo ogwo, eera nge ekibbibbi n'oMwoyo oMweru owebitayez-ya okutyama aamo. Omalaika, y'ekibono kya Kibbumba, yena azwamu n'obutaki obunene, nge amaiso gali nyuma, nge asuubira ati omusaiza oyo aabba omukali oyo aamo ayezya okwewuna nge omwana eyagotere, "eyegombere okulya ebikaiga bye bijjanjalo embiizi egyeg-yalyanga, nee nge aabula amiwa ekyakulya kyona kyona. Okutuukya oweyekubbire omu kifubbba n'akoba ati, "Nasetuka eera ninjuba eeri



7. OMWOYO OGWAGWIRE AABBA OW'EITALO.

oPapa niimukoba, Papa, mbengere eeri oKibbumba n'egyoli. Tinkaali mpomera okunjjeta omutaanewo" (Lukka 15:16-20). Oiteye, olwali okubona oku mutaane aizwire obutaki, yamusoniyre eera n'amusangaalira inno.

Omwoyo oguli omu kifananyi kinu tigulaga kamanyikiryo kona kona aka kwévuna akatuukye, mubula kugalukira Kibbumba, mubula kunonia okusoniya aabigere bya Yesu. Akabuntu koonu kali oti bakookerye n'ekyoma ekiyo eera nibakasirikya. Aali n'amatwi née tayezya kubulira igono lya Yesu eryegairira. Aali n'amaiso nee tayezya kubona ekiina ekya bwabiriri obunambulaku nkomo nge kyasaamiriire awo aabigere bye Takaali abulira ensoni okwetyongera n'ebibbibibbi bye. OSitani aizire okufugira omu mwoyo gwe eera atyanu atyaime oti kabaka oku ntebe ye. Ayezya okubba nge akaali yewujja omu mboneka nge owali omusa eera ow'ekitiisya, nge owali n'eneebitya ye diini, oti kigombe ekisiigeku erangi enijeru" ekiboneka okusa eino enzawaaku neege kiizwire magumba n'emirambo egivunda omunda mwakyo" (Mattayo 23:27).

Oiteye wa bubbei aali mu kifo kya Mwyoyo wa Butuukye. Kiisi kisolo, kiisi kibbikibbi kyabiraku mudaimoni eera n'omuzimu gwenjawulo eera gutyama mu mwoyo gwe. Naakabbaire nge yanditakire okweteresa abazigu ababbibabbi banu basigala nge bamubbowere. "Yena yena avuna elgambi lya Musa bamwita abula kusasira owebamusalira gumukira nge bakolera oku bujjulizi obwa bajjulizi ababiri n'abba ababit-yamu ababiri. Nee, kaiisi omuntu atalyanguka oMwana wa Kibbumba? oyo azumirira oMwoyo we Ceere? Kaamo oseege obone nge owe kiri ekibbikibbi eino ekibonerezo ekyawomera" (Baebbulaniya 10:28-29; 2 Petero 2:1-14).


Ekifananyi kinu owe kibba nge kifaanana n'embeera ya mwoyo gwo, mukaagwa omutake eino, okungirire oKibbumba anambula kulwawo, nge kinu kizwera nakimo mu mwoyo gwe: "Iye ayezya, olwatyanyu eera n'olwakyeire, okulamya aabo abaiza eeri oKibbumba nge babita mu iye" (Baebbulaniya 7:25), eera ekindi ayezya eera mumaliriri okusoniya ebibbibibbi byona byona, owobba oizire omu kwevuna okutuukye. Iye ayezya okukomaku ositani n'emizimu gye gyona gyona, eera n'okugibbinga okuzwa omu mwoyo gwo, kavuna iwe obba omaliriire okumwikiriryu okole otyo. Oize nge omugenge eyaizire eeri oYesu eera nakoba ati, "Owobba okitaka, oyezya okumponia; oYesu yaizwire okumusasira, eera nayanzululya engalo ye namukwataku. Namiwiramu ati Nkitaka, obbe mwomi" (Makko 1:40-41). Nee iwe yongera okubba

ow'eitalo, eera niwegomba endikiirya okukiraku ekitangaala, aabula suubi, aabula bubbeer, olwakubba ooli kutolyawo okufa omu kifo kya bwomi" ekibbikibbi kisasula kyakuweera kyaakyo y'ckufa" (Baluumi 6:23).

### EKIFANANYI KYA MUNAANA.

Aanu twagya oyo aali n'ebibbibibbi eyasuubiire ekira ekya mu maiso oku yasalirawo okusenja oKuristo, aali ampi ampi n'okufa, omubiri gwe gwezya okubba gwizwire obulumi eera omuntu we owa mu kida nge aizwire okutya okufa. Okufa (y'amagumba g'omu mubiri amakalu) kwiziire omu kiseera ekyatasuubiriram eera ekyatakutakiramu. Eisangaalo lya bubblei ery'ekibbikibbi ligoterewo, eera obutuukye obw'entisya ya muwendo omunene ogugula ekibbikibbi gwali n'okusasula. Okutya kwa mu geyena kuli kusuuka egaali kintu ekinyerenyere ekiriro. Kadi atyanu yegomba okusenga yeyagya nge tayezya kutumula n'oKibbumba n'okutaka kwe nge yaali yemaliire iira okukugaana. Abakaagwa be batya okwemerera aalwete w'ekitaliri kye, eera n'ebibono byabwe ebulamu ebya kumuwolyawolya tibyezya waire kwongera kumubbeera atyanu. Obusuni bwe tibwezya kadi okwongeraku okugendya oku bwomi bwa mwoyo gwe, naire kukenderyaku oku bulumi bwa mwoyo gwe. Ayaga nge takoali ayezya okugumira oku Kibbumba olwakubba oSitani tamuwa eibbanga okukola ekyo.

Kyona kyona ekyeyatakanga eera ekyeyasiibangaku, kifanana okumukaya, eera waire musumba we aabba mwawule aabba mwebbemberi we kanisa atesigika olwisi natabba namulokole atyanu tayezya kumubbeera, olwakubba yagaine okutaka kwa Kibbumba eera atyanu aabba ansi wa kulamula kwa Kibbumba. Atoolera okumanyikya ati" kyabutaki inno okugwa omu ngalo gya Kibbumba omwomi" (Baebbulaniya 10:31). Yabbaire asuubira obwomi bwe okubuwa oKibbumba omu kiseera ekiyandisiimiremu, aabba oku kitaliiri omweyafeera, nee atyanu ayagaine nge obwire bubitire. Enkumi n'enkumi gya bantu bafa kikutuko, nibatasuna enkabi okugalukira oKibbumba omu kitaliiri omu bafeera. N'olwekyo ekyakukola y'okugalukira oKibbumba nge akaali aali ampi. Omu kifo kya kubulira ebibono bye ebiwolyawolya eera ebiramya omuntu ow'ebibbibibbi oonu aali kufa, oyo yagaine okusoniya n'okutaka kwa Kibbumba nge akaali mwomi atyanu aali n'okubulira eigono lya Mulamuli we, y'omulamya oyo ogweyagaine, nge akoba ati "Muzwewo, iinywe abali ansi we kramo kya Kibbumba. Mwabe omumusio ogw'ebiro ebitakoma ogubakuumiryre ositani



8

8 OKULAMULA AALI N'EBIBBIBIBBI.


n'abamalaika be, (Mattayo 25:41). "Kiisi muntu aali n'okufa lomo nge amalire ekyo ekiiririra kulamula kwa Kibbumba" (Baebbulaniya 9:27).

### **EKIFANANYI KYA MWENDA.**

Ekifananyi kinu kiraga oMukurisitayo asigala nge mwesigwa eera awangula okugezesya n'okutendera n'ebikemo. Naakabbaire nge bamugera kiisi lubba, asigala nge mukyati niyekalangula okutuukya oku nkomo, nge muwanguli omu Yesu Kuristo. Tiyaangiire bwingiri mbiro egua Bukurisitayo nee nge yeyongera okwaba omu maiso, nge akaliirye amaiso ge oku Yesu, oyo okwikirirya kwe kwemerera okuzwa oku luberaabere okutuukya oku nkomo "Baebbulaniya 12:1-2).

OSitani n'emidaimoni gye gyona gyona gyesitirira omwoyo ogwikirirya, nge gigeyaku okugutendera n'ebibono ebibulamu okulungamya omvana wa Kibbumba omu nzira etali nniyo. Okwemanya, okwegomba empiya, obudankaani, n'ebindi, byona byona biriku awo ebibiraga omu kifananyi. Omu kifo kya kisolo ongo atyanu tubona nasigirya, olwakubba ekibbikibbi kitira okwizira omu ngeri egitali gimo nikyebisa mu liina lindi. Nee oMukurisitayo eyekuma amanya ati ekyo kibbikibbi naakabbaire nge kiiizre mu ngeri ye idiini,aabba oti malaika w'ekitangaala. olwakubba Ekibono kya Kibbumba eera n'omwoyo oMweru bimulungamya omu butuukye. Omusaiza akwatiriire egirasi ya mwenge omu ngalo emwoiza, abina nge yerugulirirya oMukurisitayo eera nge agezyaku okumugera omu by'eisangaalo lya mu kyalo. Nee kinu kibula kyekikola oku Mukurisitayo amaliriire, nge obweyamalire okufeera aamo n'okuristo oku bikwata oku kibbikibbi n'eb'yekyaalo. Omusaiza wakubiri omu kifananyi aali kusumita oMukurisitayo n'empia. Okudduula, okugeya, okuzumirira eera n'okutiisytisya nge bibita omu butaikirirya eera bitira n'okubita omu beyeta abaikirirya, bisiiba bisumita omwoyo gwa mwikirirya omutukulye. Nee iiye tabulisisywa ebya abantu ebyebakoba eera afa ku biibyo oKibbumba ebyakoba. Ayebukirya ebibono bya Yesu." Wesiimire abantu owebakuduulira, eera nibakuyigania eera nibakutumulaku ebibono ebibbibibbi eby'engeri gyona gyona olwakubba muli beegi bange. Mwesiime eera musangaale olwakubba ekyakubaweera kinene inno ekibababisiire Aangulu" (Mattayo 5:11-12).

Obwomi obw'ekibbikibbi obwa buntu eera n'ositani, owakyeire bigeyaku inno okwabula oMukurisitayo oku kutaka kwa Kibbumba. Nee omu isangaalo einene n'obugumu ayeza okukoba omu butuukye ati, "Aale, naani ayeza okutwabula oku kutaka kwa Kuristo? obugosi



9

OMWOYO OMUWANGULI

bwezya okukola ekkyo, nao kuyigania nao nzala, nao butaki, nao kabbikabbi, nao kufa?" (Baluumi 8:35). "Bbe naire mu binu byona byona tuli n'obuwanguli obwizulye okubita mwoyo eyatutakire iiswe" (Baluumi 8:37). Nge amalire okuzwala ebyakulwanisa byonabyona ebya Kibbumba, aezya okuwakania okulumba kwona kwona ekiror ekkibikibbi owekiiza, eera nga amalire okulwana okutuukya oku nkomo, nasigala nge akaali ayemereire omu Yesu Kurisito eyatuwanguliire okugezya n'okutendera kwona kwona, kaisi nge tubita mwiye tuwangula eera tusuna engule ey'ekitisya etaliwaku okumirikiinya kwayo (Baeleso 6:10-18; 1 Petero 5:4).

ONKOTA wa kabuntu ke aali aweru eera amirikiinya. Omwoyo gwe gwizwire okwikirira, eera gwizwire omwoyo omweru. Omalaika, niye Ekipono kya Kibbumba, amwebukirya ebya bugaiga by'enkabi egibawa abo abasuna obuwanguli eera abekalangula okutuukya oku nkomo. "Eri abo abasuna obuwanguli nalibawa obwezye okulya ekineneka ekya musaale gwa bwomi ogumera omu ndimiro ya Kibbumba" "Abo abasuna obuwanguli tibalituukaku kabbikabbi ka kufa okwa kubiri" "Eeri abo abasuna obuwanguli nalibawa emaanu embise. Ekindi naliwa kiysi mwoiza kwibo eibbaale eryeru okubawandiikire eriina eiyaka." "Eri abo abasuna obuwanguli, aabo abeekalangula okukola ebyentaka okutuukya oku nkomo, balibawa obwezye bumo obwo obwenasunire okuzwa ewa Papa" "Abo abasuna obuwanguli balibazwalisa omu ngwoye enjeru, eera tinalitoola amaliinta gabwe omu kitabo kya bwomi Omu maiso ga Papa eera naga bamalika be nalibbutula lwatu nt iibo bange." "Nalisuukya oyo omuwanguli okubba ompango omu yeekaalu ya Kibbumba wange eera tiyaliira kugizwamu." "Eri abo abasuna obuwanguli nalibawa obwezye okutyama aamo nanze okuntebe, nge zena owenawangwire eera atyanu ntyama aamo n'oPapa oku ntebe ye" (Okubikula kwa Yokana 2:7-11, 17, 26; 2:5, 12, 21).

ENSAWO Y'EMPIYA ENSINDIBULE eraga eeti timwoyo gwe gwonka, nee n'empiya gye yagiwaireyo eeri Kibbumba. Omu kifo kya kubebenza empiya gye, abbeera bataki, nge awayo na kiisi ekyasuna eeri abandamba olwa kuweisanya oKibbumba ekitiisya.

OMUGAATI N'EKYENYANZA biraga biti aali omu bwomi obutuukye eera nge yekuuma omu bwomi bwe. Tabebenza obwomi bwe omu mwenge aabba omu kulya ebyakulya ebibbibibi (Bikole bya Batume 15:20). Tabebenza empiya gye, waire okubebenza omubiri gwe (niiyo yeekaalu ya Kibbumba), nge atakinya aabba okunywa otaaba omu ngeri yona yona, waire takolesya emiri aabba obulezi obwakabbikabi, nee alya ebyakulya ebibbeereri, ebisa, ebirisya omubiri. Omwoyo gwe

gusuukire nyumba ya kwsengeramu. Ekindiaabba omu nkumbaana gye kanisa obutayosa eera nabuteeki, omu biseera byona byona n'omu mbeera gyona gyona ataka inno okusenga, nowabba omu kanisaaabba na bamukidaala kye,aabba omu kusenga nge aali omu kasenge ke yenkan, olwakubba amaite ati omukurisitayo tayezya kukula anambula kutumula n'oKibbumba omu kusenga.

**EKITABO EKIBIKULE** kiraga kitieBaibbuli kitabo ekibikule egiali, eera agisoma n'agirangasira eizo n'eizo, nge asunamu obulabuki n'amaani, obwomi n'ekitangaala, eera n'ebiyabugaiga ebitabalika orinwo. Esuukire itaala okumulungamyanga eera empiima okuwangulira oSitani. Niyo ekyakulya eky'eizo n'eizo ekya muntu we owa mu mwoyo, amazi okumalawo enyonta ye, ekinaabiro ekya kwetukuliryamu. eera endabir-wamu omweyeboneramu.

Ataka inno okwetika omusalabba gwe, olwakubba amaite ati tialibbawo kyakuweera anambula musalabba. Nge owamaite ati liye yaliikukiire aamo n'oKurisito kaisi ayezye okubbawo omu bwomi obuyaka, ateeka omwuyo gwe ku bintu ebiri Aangulu, nge akalirye ebisego bye oku bintu ebyayo, tiku bintu ebiri aanu oku kyalo. (Bakolosayi 3:1-2). Akumiriire kusangaana Kibbumba, eera aali otimusaale ogukulira embale w'eiruba; ogwamaku ebineneka omu kiseera ekituukye (Zabbuli 1:3); nge eisaga lya muzabbibbu, gwama ebineneka bibitiriri. Tamaite okutyu okufa, olwakubba okutaka okutuukye okwa Kibbumba, okweyas-unire nge abita omu Mwoyo oMweru, kwizwire omwuyo gwe.

### **EKIFANANYI KY'EIKUMI**

OYesu yakobere ati, "Ninze okuliukuka eera n'obwomi. Yena yena anjikirirya yalibba mwomi, naakabbaire nge afiire; eera yena yena aabba mwomi anjikirirya tiyalifa" (Yokaana 11:25-26). Yena yena abulira ebibono byange naikirirya Oyo eyantumire aali n'obwomi obutawawo. Tibalimusalira omusango okumukira, nee amalire okubita omu kufa nayaba omu bwomi" (Yokaana 5:24). Okufa kubulaku waire ntiisyia n'abba kibonerezo eeri oMukurisitayo. "Okufa bakujigirikire; obuwanguli bwizulye, Okufa obuwanguli bwo buli yaina? Okufa iwe amaani go agalumya gali yaina?... Twebalya okibbumba eyatuware obuwanguli obwo nge abita omu Musengwa waiswe oYesu Kuristo" (1 Bakolinso 15:54-57).

Omuntu abbairewo eera natambula n'oKibbumba tatyatya okufa. Ekiseera obwekiiza iye okufa, ayaba n'eisangaalo, nge oMutume oPaulo owakit-



10

## 10. OKWABA EIKA OKW'EKITISYA.

teeka ati," Ntaka inno okuleka obwomi bunu eera mbe aamo n'oKurisito, y'ekintu ekikira obusa" (Abefiripi 1:23).

Omukurisitayo yegomba inno okuboneka kwa Yesu okwa maiso okumaiso, ayezye okulangasira oYesu eyamuferere amaiso oku maiso eera eyamusasuliire omuwendo ogwe bibbibibbi bye' oku musalabba. OMwoyo OMweru yena amwebukirya ebibono bya Yesu, "Tiweririkiranga waire ekukazwa. Oikiriryre oKibbumba eera onjikiriryre zena. Omu nyumba ya Papa mulimu ebisenge bingi... naliira eera nimbatwala egyendi, kaisi mubbe nze egyendi" (Yokaana 14:4).

Ekintu omuntu yena yena ekyatabonangaku aabba okubulirangaku, ekyo omuntu yena yena ekyataseegangaku okubbawo, nikyo ekinyerenyere oKibbumba ekiyakoleire aabo abamutaka" (1 Bakolinso 2:9). Abula lutumu oku kyalo omuntu olwayerza okukolesya nasonzola aabba okulonsya obusa bw'ekigo ekya Aangulu ekibakoleire abo abatambulira anu okukyalo nge beema mubigere bya Musengwa waiswe oYesu Kuristo.

Om u kifo ky'enjole etiisya eya magumba amakalu aga mumubiri (okufa) amu kifananyi kinu ekikomererayo tubona malaika y'omukwenda wa Kubbumba. Akuumiriire kuginga mwoyo omutuukye agwiyreyo eeri oKibbumba. Omuntu owa munda eera n'omwoyo basindibile okuzwa omuikomera lya mubiri oguwawo, eera baaba nibabita omu miryang gy'angulu emiigule baaba eri oYesu amutaka omuntu oyo eera eyamuferere oku musalabba. Okwisuukya omu isangaalo kumukuumiriire omu maiso ga Kibbumba oMusengwa we weyamusugiriry n'ebibono binu ebiwijja ati, "Webale, iwe omuwererya omusa eera omwesigwa... Oize enu eera ogabaniire aanu eisangaalo lyange." (Mattayo 25:21). OSitani takaali amufuga naire, olwakubba "Omusaiiza omutaki yafiire eera abamalaika nibamuginga bamutwala okutyama aamo n'olbulaimu oku mbaga Aangulu nge "(Lukka 16:22)." kaisi nimpulira eigono nge lizwa angulu nge likoba liti, "Owandiike kinu; Beesiimire abo okuzwa atyanu n'ebiro byona byona abafeera omu buwererya bwa Musengwa" OMwoyo nairamu ati, "Y'owekiri kityo" 'Baliwomerwa okuwolaku nge bazwa omu itamba lyabwe eikalanguki, olwakubba ebizwa omu buwererya bwabwe byaba nabo' (Okubikula eeri Yokaana 14:13).

## OKUSISITIRA OKUKOMERERAYO

Omucomi iwe omutake, oKibbumba akubbeere okuwayo omwoyo gwo

eeri iye akutaaka, olwakubba aali kutumula naiwe atyanu nge akoba ati, "Oire egypendi n'omwoyo gwo gwona gwona" (Eky'amagambi 30:2). Owe oYesu omwoyo gwo ogudembere, ogukayirwe, oguluma, eera iye yakuwa omwoyo omuyaka eera n'ebiseego ebiyaka. Omwoyo gwo omubbei tigwakubbeyea eera tiwasengerérya okwegomba kwagwo, olwakubba" Omu mwoyo gwa muntu, niimwo omuzwa ebiseego ebibbibibi nibimulungamya okukola ebintu ebya budankaani..." (Makko 7:21). Oleke ebibbibibbi byo eera wekalangule kwebyo ebituukye, "Olwakubba ekibbikibbi kisasula ekyakuweera kyakyo okufa; nee ekirabo kya Kibbumba ekyawereere niiye obwomi obutawawo omu bumo n'oKurisito oYesu oMusengwa waiswe (Baluumi 6:23).

Eera inywe omwawaire oKibbumba obwomi bwanywe, "Mwekalangule oku bibono ebituukye ebinabegeserye, nge ekyakuboneraku kyanywe okusenjererya, eera n'okusigala omu kwikiriry a n'okutaka ebyaiswe owetubba omu bumo n'oKurisito" (2 Timosewo 1:13). Olwe nsonga enyere eyo oPaoulo yawandiikire omu 2 Timosewo 1:12" "Imaite ogunaikiriry, eera nkikakaty nti lye ayezya okunkuuma obutagwaku kabbikabbi okutuukya oku kiro ekyo ekyeyambisisiry". Weyombeke omu kwikiriry kwo omu Kibbumba, osengenge omu maani ga Mwöyo oMweru, osigale omu kutaka kwa Kibbumba, nge amaiso go ogakaliirye oku Yesu, y'enzira, obtuukye eera obwomi, oMusengwa waiswe yaliira mangu okusyoma abaana be oKabaka wa bakabaka eera oMusengwa wa basengwa" (1 Timosewo 6:15).

Ekitisya, obukulu, eera n'obwezye, bibbe eeri Oyo ayezya okubakkuuma obutagwa, eera n'okubatuukya nge mubulaku akabbikabbi eera nge muli n'eisangaalo omu maiso ge ag'ekitiisya - eeri Okibbumba yenka oMulamya waiswe, okubita omu Yesu Kuristo oMusengwa waiswe ebiro ebulaku enkomol Amina (Yuda 24-25).

"Yenayena akola ekibbikibbi aabba mu ibbengo lya kuvuna eigambi lya Kibbumba, olwakubba ekibbikibbi yokuvuna eigambi."

"Mumaite muti oKuristo yaizire kutoolawo bibbibibbi, eera mu lye mubula kibbikibbi."

Kale kiisi abbawo omu bummo n'oKurisito tiyeyongera okukola ekibbikibbi; nee yenayena eyeyongera okukola ekibbikibbi tamubonan-gaku eera tamumanyanga."

"Timwikiriryanga omuntu yenayena nababbeya, baana bange, Yenayena akola ekituukye aabba mutukiriry, eera nge oKuristo owali omutuukiriry"

"Yenayena eyeyongera okukola ekibbikibbi oyo aabba wa sitani, olwakubba oSitani yabbengere okuzwa okuluberaabere. Omwana wa Kibbumba yaizire olw'ensonga nyere eenu, okujigirikya ebyo ositani ebiyakolere."

'Omwana wa Kibbumba yenayena tiyeyongera okukola ekibbikibbi, olwakubba obwomi obunyerenyere obwa Kibbumba buli mu iye; eera olwakubba oKibbumba niiye oiteye, tayezya kweyongera okukola ekibbikibbi.'

"Enu niiyo enjawulo eboneka amangu aakati wa baana ba Kibbumba eera n'abaana ba Sitani; yenayena atakola obutuukye aabba tataka omuganda we, tabba mwana wa Kibbumba"

(Yokaana 3:4-10).

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.anqp-hb.co.za](http://www.anqp-hb.co.za) or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de [www.anqp-hb.co.za](http://www.anqp-hb.co.za) ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de [www.anqp-hb.co.za](http://www.anqp-hb.co.za) ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos**

informar. Pois nos gostarfamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 linguas diferentes escreva para:

E-MAIL: [info@angp-hb.co.za](mailto:info@angp-hb.co.za)  
[info@angp.co.za](mailto:info@angp.co.za)

**ALL NATIONS GOSPEL PUBLISHERS**  
**P.O. Box 2191**  
**PRETORIA**  
**0001**  
**R.S.A.**

**A Gospel Literature Mission financed by donations**

**Une Mission de litterature evangelique financee de dons**  
**Missao de literatura Evangelica financiada por donativos**

(Reg. No. 1961/001798/08)